

Veni huc Seri mane eo animo, ut si mihi decedi locus esset, postularem ^{tertium} ~~quartum~~
 can' omnino omitti, quod eum superfluum, et minime necessarium iudicabam.
 Cum vero Ill^m Dominum meum Car:^{lem} audiverim valde commotus sum, non solum
 auctoritas viri omni dignitate prestantissimi, sed etiam iudicium hominis uni-
 us omnium doctissimi, et sanctissimi efficit, ut penè sententiam mutarem.
 quod idem multis ex patribus contigisse existimo, qui forte, nisi ille dixisset,
 aliam sententiam sequuti fuissent. Ego vero et si certus sum ab illius summi
 viri, et tot prestantissimorum Virum auctoritate non discedere, tamen qm
 mihi nondum penitus omnis dubitatio sublata est, et ob tarditatem ingenij mee
 rationes, quibus Canon stabilitur non plane assequor, ideo ea proferam, quae
 me ad huc sollicitum reddunt, et faciunt, ut nondum satis constituerim an
 Canonem amplecti debeam. Potissima autem ratio qua moveor ad dubi-
 tandum haec est. qm omnes Canones, qui a S.^{ta} Synodo prodire debent, adver-
 sus aliquam propriam ac certam Heresim diriguntur, sic vero Canon nullam
 propriam ac peculiarem Heresim attingit. quod ita ostendit. Nam cum
 Eucharistiam duobus modis considerare possimus, uno modo in se quatenus
 sacramentum quoddam est extra usum positum, hoc n. precipuum et peculia-
 re habet hoc sanctissimum sacramentum, alio modo quatenus sumitur, de utroq.
 Hereses fuerunt. Nam Lutherani conversionem in Corpus et sanguinem Christi
 negant sacramentarij omnes praeterea figuram tantum esse statuant. Adversus
 huiusmodi Hereses est Canon 1.^{us} et 2.^{us} Cone. Tridentini. De sumptione
 fuit etiam Heresis Lutheranorum affirmantium Christum esse in Hostia dum
 sumitur, et in usu, contra quos statuit Canon 4. Si quis dixerit per aet-
 consecrationem in admirabili Eucharistica sacramento non esse corpus et sangui-
 nem Domini, sed tantum in usu, dum sumitur, non autem ante vel post.
 Anathema sit.

Pret' Lutherus illa verba de sumptione totius Christi institutionis profert
 non ut novam Heresim condant, sed ut reflecat con' nos argumentum,

et potius obiter et ad hominem argumentatur. quod ut perspicuum fiat
afferam uerba sua quae haec sunt. Eiusdem sapientiae sunt pulcherrimae rursus
quas pro stabilienda altera specie uelut ebrii somniant. s. quod laici possent
credere in altera specie non tantum accipi, quantum sub utraque, quod esset ma-
gnum periculum. Quasi uero non et clerici eodem periculo sic credere possint,
ut illis merito et altera species adimenda fuerit. Quid si ego con- sententiam
me non accipere tantum altera, quantum utraque, quia non totam Christi institu-
tionem sed dimidiatam accipio. Quasi dicat Lutherus, uos omnino prohibetis
Laicos communicari sub utraque, ne credant minus contineri sub una, ego autem dico
quod si unam speciem tantum sumpsero, credam minus contineri sub ea, eo quod
non totam Christi institutionem accipio.

Non obstat quod aliud sit continentia, aliud sumptio ualeat hoc argumentum,
continentia et sumptio differunt, ergo diuersi Canones formandi sunt de utraque.
An diuersitas sufficit, ut diuersi Canones formentur? Scio. n. quod differunt
et unum sine alio intelligitur, et unum, non est aliud. num propterea necessarium
est fieri novos canones? si nulla est heresis quae de sumptione noua et
falsa opinetur?

De corollario. s. quod inferitur ex illo Canone dicitur quod tunc est corollarium
quod in conclusione aliquid uirtute, potentia, potestate continetur, de elicitur
ratione et consequentia quadam. Sed quod aliquid expresse, formaliter
explicitè continetur in aliquo, non elicitur ex illo corollarium. De exem-
plum. Deceuerunt Patres quod uere reata, subter continetur totus
Christus in Eucharistia, corollarium est, ergo adorandus, ergo circumges-
tus, ergo festum celebrandum de ea, sed contra, quod corollarium est
continetur tantum sub una, quantum sub utraque specie, ergo tantum circum-
fertur sub una quantum sub utraque specie, ergo tantum quiescit, ergo
tantum mouetur? ista non sunt corollaria, sed formaliter comprehenduntur
duntur sub continentia. ita etiam sumptio, quia si continetur sumitur

¶ Theologi semper de 2^o sensu intellexerunt, ergo si daretur
tertius sensus, iterum audiendi essent quia Canon non respondet exami-
ni, neq; articulo. si dicatur non, quia facile apparet. et ego dicam
propter istam ipsam causam non esse faciendum Canonem quia facile
educitur ex declaratis.

¶ Hæc uerba Lutseri sunt ambigua et uerificari possunt tam de re con-
tenta, quam de fructu, ergo et Canon respondens illis uerbis. Canon
igitur si manebit saltem in hac forma dabit ansam ut intelligatur
de fructu et grâ. quem sensum uitare debemus.

[The page contains several paragraphs of extremely faint, illegible handwriting, likely in a historical script. The text is mirrored across the page, suggesting bleed-through from the reverse side.]